



UNIVERSITÄTS-
BIBLIOTHEK
PADERBORN

**Het Paradys der Geestelijcke ende Kerkelijcke
Lof-sangen/ op de principaelste Feest-daghen des
gheheelen Jaers**

Afhakker, Aegidius

Herzogenbusch, 1621

Volghen de Psalmen die in de H. Kerck ghebruyckt worden/ in de Vesper
ende Compleet/ op Sondaghen ende H. daghen.

Nutzungsbedingungen

[urn:nbn:de:hbz:466:1-55072](https://nbn-resolving.org/urn:nbn:de:hbz:466:1-55072)

Dolghen de Psalmen die in de
 H. Kerck ghebruyckt worden/
 in de Vesper ende Com-
 pleet/op Sondaghen
 ende H. daghen.

Dominica ad Vesperas.

Psalmus 109.

Dixit Dominus Domino meo : sede à dex-
 tris meis.

Donec ponam inimicos tuos : scabellum
 pedum tuorum.

Virgam virtutis tuæ emitter Dominus ex si-
 on : dominare in medio inimicorum tuorum.

Tecum principium in die virtutis tuæ in splen-
 doribus sanctorum : ex vtero ante luciferum ge-
 nuit te.

Iuravit Dominus, & non pœnitebit eum, Tu
 es sacerdos in æternum : secundum ordinem
 Melchisedech.

Dominus à dextris tuis : confregit in die iræ
 suæ reges.

Iudicabit in nationibus, implebit ruinas
 conquassabit capita in terra multorum.

De torrente in via bibet : propterea exaltabit
 caput.

Gloria.

Gloria Patri, & Filio : & spiritui sancto.
Sicut erat in principio, & nunc, & semper: &
in sæcula sæculorum, Amen.

Psalmus 110.

Confitebor tibi Domine in toto corde meo:
in consilio justorum, & congregatione.

Magna opera Domini: exquisita in omnes voluntates ejus.

Confessio & magnificentia opus ejus: & iustitia ejus manet in sæculum sæculi.

Memoriam fecit mirabilium suorum, misericors & miserator Dominus: escam dedit timentibus se.

Memor erit in sæculum testamenti sui: virtutem operum suorum annuntiabit populo suo.

Vt det illis hereditatem gentium: opera manuum eius veritas & iudicium.

Fidelia omnia mandata ejus, confirmata in sæculum sæculi: facta in veritate & equitate.

Redemptionem misit populo suo: mandavit in æternum testamentum suum.

Sanctum & terribile nomen ejus: initium sapientiæ & timor Domini.

Intellectus bonus omnibus facientibus eum: laudatio eius manet in sæculum sæculi.

Gloria Patri, & Filio.

Psalmus 111.

Beatus vir qui timet Dominum : in mandatis eius volet nimis.

Potens in terra erit semen eius : generatio rectorum benedicetur.

Gloria & divitię in domo eius : & iustitia eius manet in seculum seculi.

Exortum est in tenebris lumen rectis : misericors, & miserator, & iustus.

Iucundus homo, qui miseretur, & commodat, disponet sermones suos in iudicio : quia in æternum non commovebitur.

In memoria eterna erit iustus : ab auditione mala non timebit.

Paratum cor eius sperare in Domino, confirmatum est cor eius : non commovebitur donec despiciat inimicos suos.

Dispersit, dedit pauperibus, iustitia eius manet in seculum seculi : cornu eius exaltabitur in gloria.

Peccator videbit & irascetur, dentibus suis fremet & tabescet : desiderium peccatorum peribit.

Gloria Patri, & Filio.

Psalmus 112.

Laudate pueri Dominum : laudate nomen Domini.

Sit nomen Domini benedictum : ex hoc

nunc

nunc & vsque in sæculum.

A solis ortu usque ad occasum: laudabile nomen Domini.

Excelsus super omnes gentes Dominus: & super cælos gloria ejus.

Quis sicut Dominus Deus noster, qui in altis habitat: & humilia respicit in cælo & in terra?

suscitans à terra inopem: & de stercore erigens pauperem.

ut collocet eum cum principibus: cum principibus populi sui.

Qui habitare facit sterilem in domo: matrem filiorum lætantem.

Gloria Patri, & Filio.

Psalmus 113.

IN exitu Israel de Ægypto: domus Jacob de populo barbaro.

Facta est Iudea sanctificatio eius: israel potestas ejus.

Mare vidit, & fugit: Jordanis conversus est retrorsum.

Montes exultaverunt ut arietes: & colles sicut agni ovium.

Quid est tibi mare, quòd fugisti: & tu Jordanis, quia conversus es retrorsum?

Montes exultastis sicut arietes: & colles sicut agni ovium.

A facie Domini mota est terra: à facie Dei Jacob.

Qui convertit petram in stagna aquarum : & rupem in fontes aquarum.

Non nobis Domine, non nobis : sed nomini tuo da gloriam.

Super misericordia tua, & veritate tua : ne quando dicant gentes, vbi est Deus eorum?

Deus autem noster in cælo : omnia quęcumque voluit, fecit.

Simulacra gentium, argentum & aurum : opera manuum hominum.

Os habent, & non loquentur : oculos habent, & non videbunt.

Aures habent, & non audient : nares habent, & non odorabunt.

Manus habent, & non palpabunt, pedes habent, & non ambulabunt : non clamabunt in gutture suo.

Similes illis fiant qui faciunt ea : & omnes qui confidunt in eis.

Domus Israel speravit in Domino : adiutor eorum, & protector eorum est.

Domus Aaron speravit in Domino : adiutor eorum, & protector eorum est.

Qui timent Dominum, speraverunt in Domino : adiutor eorum, & protector eorum est.

Dominus memor fuit nostri : & benedixit nobis.

Benedixit domui Israel : benedixit domui Aaron.

Benedixit omnibus qui timent Dominum : pu-

illis

illis cum maioribus.

Adjiciat Dominus super vos : super vos , & super filios vestros.

Benedicti vos à Domino : qui fecit cælum & terram.

Cælum cæli Domino : terram autem dedit filijs hominum.

Non mortui laudabunt te Domine : neque omnes qui descendunt in infernum.

Sed nos qui vivimus , benedicimus Domino : ex hoc nunc & vsque in sæculum.

Gloria Patri, & Filio.

Canticum B. Mariæ Virginis.

LUC. I.

Magnificat : anima mea Dominum.

Et exultavit spiritus meus : in Deo salutari meo.

Quia respexit humilitatem ancillæ suæ : ecce enim ex hoc beatam me dicent omnes generationes.

Quia fecit mihi magna qui potens est : & sanctum nomen eius.

Et misericordia eius à progenie in progenies : timentibus eum.

Fecit potentiam in brachio suo : dispersit superbos mente cordis sui.

Deposuit potentes de sede : & exaltavit humiles.

Esurientes implevit bonis : & divites dimisit inanes.

suscepit Israël puerum suum : recordatus misericordiæ suæ.

Sicut locutus est ad patres nostros : Abraham, & femini eius in sæcula.

Gloria Patri, & Filio.

Vooz den vooz-gaenden Psalm
In exitu, &c. ghebzupcht men dickwils (op Feest-daghen der Heptaghen) een van dees' drie na-volgende Psalmen.

Psalmus 115.

Credidi, propter quod locutus sum : ego autem humiliatus sum nimis.

Ego dixi in excessu meo : Omnis homo mendax.

Quid retribuam Domino : pro omnibus quæ retribuit mihi?

Calicem salutaris accipiam : & nomen Domini invocabo.

Vota mea Domino reddam coram omni populo eius : pretiosa in conspectu Domini mors sanctorum eius.

O Domine, quia ego servus tuus : ego servus tuus, & filius ancillæ tuæ.

Dirupisti vincula mea , tibi sacrificabo hostiam laudis : & nomen Domini invocabo.

Vota mea Domino reddam in conspectu omnis populi eius : in atrijs domus Domini , in medio tui Ierusalem.

Gloria Patri, & Filio.

Psalmus 116.

Laudate Dominum omnes gentes : laudate eum omnes populi.

Quoniam confirmata est super nos misericordia eius : veritas Domini manet in æternum.

Gloria Patri, & Filio.

Psalmus 131.

Memento Domine David : & omnis mansuetudinis eius.

Sicut juravit Domino: votum vovit Deo Iacob.

Si introiero in tabernaculum domus mee: si ascendero in lectum strati mei.

Si dederò somnum oculis meis : & palpebris meis dormitationem.

Et requiem temporibus meis , donec inveniam locum Domino: tabernaculum Deo Iacob.

Ecce audivimus eam in Ephrata : invenimus eam in campis silve.

Introibimus in tabernaculū eius: adorabimus

in loco vbi steterunt pedes ejus.

Surge Domine in requiem tuam : tu & arca
sanctificationis tue.

Sacerdotes tui induantur justitiam : & sancti
tui exultent.

Propter David servum tuum : non auertas fa-
ciem Christi tui.

Iuravit Dominus David veritatem , & non
frustrabitur eum : De fructu ventris tui ponam
super sedem tuam.

Si custodierint filij tui testamentum meum :
& testimonia mea hæc, quæ docebo eos.

Et filij eorum vsque in sæculum : sedebunt su-
per sedem tuam.

Quoniam elegit Dñs sion : elegit eam in ha-
bitationem sibi.

Hæc requies mea in sæculum sæculi : hinc ha-
bitabo, quoniam elegi eam.

Viduam eius benedicens benedicam; paupe-
res eius saturabo panibus.

Sacerdotes eius induam salutari : & sancti
eius exultatione exultabunt.

Illuc producam cornu David : paravi lucer-
nam Christo meo.

Inimicos eius induam confusione : super ip-
sum autem effloreat sanctificatio mea.

Gloria Patri, & Filio.

Sicut erat in principio.

**De tweede Vesper der
Apostolen:**

Dixit Dominus, &c. Laudate pueri, &c.
Credidi, &c. **Als boozen.**

Daer nae volght:

Psalms 125.

IN convertendo Dominus captivitatem sion:
facti sumus sicut consolati.

Tunc repletum est gaudio os nostrum: &
lingua nostra exultatione.

Tunc dicent inter gentes: Magnificavit Do-
minus facere cum eis.

Magnificavit Dominus facere nobiscum: fa-
cti sumus lætantes.

Converte Domine captivitatem nostram: sicut
torrens in Austro.

Qui seminant in lacrymis: in exultatione me-
tent.

Euntes ibant & flebant: mittentes semina
sua.

Venientes autem venient cum exultatione:
portantes manipulos suos.

Gloria Patri, & Filio.

Psalmus 138.

Domine probasti me, & cognovisti me: tu cognovisti sessionem meam, & resurrectionem meam.

Intellexisti cogitationes meas de longè: semitam meam, & funiculum meum investigasti.

Et omnes vias meas previdisti: quia non est sermo in lingua mea.

Ecce Domine tu cognovisti omnia, novissima & antiqua: tu formasti me, & posuisti super me manum tuam.

Mirabilis facta est scientia tua ex me: confortata est, & non potero ad eam.

Quò ibo à spiritu tuo? & quò à facie tua fugiam?

Si ascendero in celum, tu illic es: si descendero in infernum, ades.

Si sumpsero pennas meas diluculo: & habitavero in extremis maris.

Etenim illuc manus tua deducet me: & tenebit me dextera tua.

Et dixi, Forsitan tenebræ conculcabunt me: & nox illuminatio mea in deliciis meis.

Quia tenebræ non obscurabuntur à te, & nox sicut dies illuminabitur: sicut tenebræ eius: ita & lumen ejus.

Quia tu possedisti renes meos: suscepisti me de utero matris mee.

Confitebor tibi , quia terribiliter magnificatus es: mirabilia opera tua , & anima mea cognoscit nimis.

Non est occultatum os meum à te , quod fecisti in occulto : & substantia mea in inferioribus terræ.

Imperfectum meum viderunt oculi tui, & in libro tuo omnes scribentur: dies formabuntur, & nemo in eis.

Mihi autem nimis honorificati sunt amici tui Deus: nimis confortatus est principatus eorum.

Dinumerabo eos , & super arenam multiplicabuntur: exurrexi, & adhuc sum tecum.

Si occideris Deus peccatores: viri sanguinum declinate à me.

Quia dicitis in cogitatione : Accipient in vanitate civitates tuas.

Nónne qui oderunt te Domine , oderam : & super inimicos tuos tabescebam?

Perfecto odio oderam illos : & inimici facti sunt mihi.

Proba me Deus, & scito cor meum: interroga me, & cognosce semitas meas.

Et vide si via iniquitatis in me est : & deduc me in via æterna.

Gloria Patri, & Filio.

**De Vesper van onse Lieve
Wouw' / ende van de
Maeghden/ &c.**

**Dixit Dominus, &c. Laudate
pueri. &c. Als boozen.**

Daer na volght:

Psalms 121.

Latus sum in his, quæ dicta sunt mihi: in
domum Domini ibimus.

Stantes erant pedes nostri: in atrijs tuis
Ierusalem.

Ierusalem quæ edificatur vt civitas: cuius par-
ticipatio ejus in idipsum,

Illuc enim ascenderunt tribus, tribus Domini:
testimonium Israel, ad confitendum nomini
Domini.

Quia illic federunt sedes in iudicio: sedes su-
per domum David.

Rogate quæ ad pacem sunt Ierusalem: & a-
bundantia diligentibus te.

Fiat pax in virtute tua: & abundantia in tur-
ribus tuis.

Propter fratres meos, & proximos meos: lo-
quebar pacem de te.

Propter domum Domini Dei nostri: quæ sivi
bona tibi.

Gloria Patri, & Filio.

Psalmus 126.

Nisi Dominus ædificaverit domum : in vanum laboraverunt, qui ædificant eam.

Nisi Dominus custodierit civitatem : frustra vigilat qui custodit eam.

Vanum est vobis ante lucem surgere : surgite postquam sederitis, qui manducatis panem doloris.

Cum dederit dilectis suis somnum : ecce hereditas Domini, filii; merces, fructus ventris.

Sicut sagittæ in manu potentis : ita filii excusorum.

Beatus vir, qui implevit desiderium suum ex ipsis : non confundetur cum loquetur inimicis suis in porta.

Gloria Patri, & Filio.

Psalmus 147.

Lauda Ierusalem Dominum : lauda Deum tuum Sion.

Quoniam confortavit feras portarum tuarum : benedixit filiis tuis in te.

Qui posuit fines tuos pacem : & adipe frumenti satiat te.

Qui emittit eloquium suum terre : velociter currit sermo ejus.

Qui dat nivem sicut lanam : nebulam sicut cinerem spargit.

Mittit

Mittit cryftallum fuam ficut buccellas : ante
faciem frigoris ejus quis fufținebit?

Emittet verbum fuum , & liquefaciet ea : flabit
fpiritus eius, & fluent aque.

Qui annunciat verbum fuum Iacob : iuftitias
& iudicia fua Iſrael.

Non fecit taliter omni nationi : & iudicia fua
non manifeftravit eis.

Gloria Patri, & Filio.

AD COMPLETORIVM.

CONverte nos Deus falutaris noſter. *Reſp.* Et
averte iram tuam à nobis.

Vers. Deus in adiutorium meum intende.

Reſp. Domine ad adjuvandum me feſtina.

Gloria Patri, & Filio.

Pſalmus 4.

CUM invocarem, exaudivit me Deus iuſtitie
meę : in tribulatione dilataſti mihi.

Miferere mei : & exaudi orationem
meam.

Filij hominum uſquequò gravi corde : ut quid
diligitis vanitatem, & quęritis mendacium?

Et ſcitate quoniam mirificavit Dominus ſan-
ctum ſuum : Dominus exaudiet me, cùm cla-
mavero ad eum.

Iraſcimini, & nolite peccare : quę dicitis in
cordibus veſtris, in cubilibus veſtris compun-
gimini.

sacrificate sacrificium justitiæ, & sperate in Domino: multi dicunt, Quis ostendit nobis bona?

Signatum est super nos lumen vultus tui Domine: dedisti letitiam in corde meo.

A fructu frumenti, vini, & olei sui: multiplicati sunt.

In pace in idipsum: dormiam, & requiescam.

Quoniam tu Domine singulariter in spe: constituisti me.

Gloria Patri, & Filio.

Psalmus 70.

IN te Domine speravi non confundar in æternum: in justitia tua libera me.

Inclina ad me aurem tuam: accelera ut eruas me.

Esto mihi in Deum protectorem, & in domum refugij: vt salvum me facias.

Quoniam fortitudo mea, & refugium meum es tu: & propter nomen tuum deduces me, & enutries me.

Educes me de laqueo hoc, quem absconderunt mihi: quoniam tu es protector meus.

In manus tuas commendo spiritum meum: redemisti me Domine Deus veritatis.

Gloria Patri, & Filio.

Psalmus 90.

Qui habitat in adiutorio Altissimi : in protectione Dei cæli commorabitur.

Dicet Domino, Susceptor meus es tu, & refugium meum: Deus meus, sperabo in eum.

Quoniam ipse liberavit me de laqueo venantium: & à verbo aspero.

Scapulis suis obumbrabit tibi : & sub pennis eius sperabis.

Scuto circumdabit te veritas eius : non timebis à timore nocturno.

A sagitta volante in die, à negotio perambulante in tenebris: ab incurfu & dæmonio meridiano.

Cadent à latere tuo mille , & decem millia à dextris tuis: ad te autem non appropinquabit.

Veruntamen oculis tuis considerabis : & retributionem peccatorum videbis.

Quoniam tu es Domine spes mea: Altissimum posuisti refugium tuum.

Non accedet ad te malum : & flagellum non appropinquabit tabernaculo tuo.

Quoniam Angelis suis mandavit de te: ut custodiant te in omnibus viis tuis.

In manibus portabunt te : ne fortè offendas ad lapidem pedem tuum.

Super aspidem & basiliscum ambulabis : & conculcabis leonem & draconem.

Quoniam in me speravit, liberabo eum: protegam eum, quoniam cognovit nomen meum.

Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Longitudine dierum replebo eum: & ostendam illi salutare meum.

Gloria Patri, & Filio.

Sicut erat in principio.

Psalmus 133.

Ecce nunc benedicite Dominum: omnes serui Domini.

Qui statis in domo Domini: in atriis domus Dei nostri.

In noctibus extollite manus vestras in sancta: & benedicite Dominum.

Benedicat te Dominus ex Sion: qui fecit caelum & terram.

Gloria Patri, & Filio.

Sicut erat in principio.

Miserere mei Domine & exaudi orationem meam.

In manus tuas Domine commendo spiritum meum. In manus, &c.

Redemisti nos Domine Deus veritatis commendo, &c. Gloria, &c. In manus.

Custodi nos Domine ut pupillam oculi. sub umbra alarum tuarum protege nos.

Canticum Symeonis.

Salva nos.

LUC. 2.

Nunc dimittis servum tuum Domine: secundum verbum tuum in pace.

Quia viderunt oculi mei: salutare tuum.
Quod parasti: ante faciem omnium populorum.

Lumen ad revelationem Gentium: & gloriam plebis tue Israel.

Gloria Patri, & Filio.

ANTIPHONÆ

Tot lof van onse V. Vrouw.

Alma Redemptoris Mater, qua per via celi
Porta manes, Et Stella maris, Succurre cadenti,
Surgere qui curat, populo: Tu qua genuisti,
Natura mirante, tuum sanctum genitorem:
Virgo prius ac posterius, Gabrielis ab ore
Sumens illud Ave, peccatorum miserere.
Angelus Domini nunciavit Mariæ.
Et concepit de spiritu sancto.

ANTI-

ANTIPHONA.

Ave Regina celorum, Ave Domina Angelorum,
Salve radix, salve porta; Ex qua mundo lux
est orta:

Gaude virgo gloriosa, Super omnes speciosa.

Vale o valde decora, Et pro nobis Christum exora.

Dignare me laudare te virgo sacrata.

Da mihi virtutem contra hostes tuos.

ANTIPHONA.

Regina cæli lætare, Alleluia. Quia quem
meruisti portare, Alleluia. Resurrexit sicut
dixit, Alleluia. Ora pro nobis Deum, Alleluia.

Gaude & lætare virgo Maria, Alleluia.

Quia surrexit Dominus vere, Alleluia.

ANTIPHONA.

Salve Regina, mater misericordiæ, vita, dul-
cedo, & spes nostra, salve. Ad te clamamus
exules filij Evæ. Ad te suspiramus, gemen-
tes & flentes in hac lachrimarum valle. Eia er-
go Advocata nostra, illos tuos misericordes o-
culos ad nos converte, Et Iesum benedictum
fructum ventris tui nobis post hoc exilium o-
stende. O Clemens, O pia, O dulcis virgo Ma-
ria.

Ora pro nobis sancta Dei Genitrix.

Vt digni efficiamur promissionibus Christi.

Voor 't Avond gebedt.

V Schepper / vooz den Avondt,
stondt/

Wp bidden upt ons herten grondt
Dat ghy/na u barmhertighepdt/
Ong hoeden wilt vooz alle leydt.

Onsupb're dzomen van ons weert/
En ons ghedachten tot u keert/
Dat ghy des vbandts list belet:
Dat hy ons lichaem niet besmet.

Geest dit/ o Vader machtigh seer/
Dooz Jesum Christum onsen Heer/
Die met u/ en den heyl' ghen Geest
Altijdt van al moet zyn ghezeest.
Amen.

Een ander.

Christe die daer zyt dagh en licht/
De duyfsteris des nachtes ver-
licht/
En wordt gheloost des lichts klaer-
hepdt/

Dat ons een saligh licht verbzept.
Wp bidden u/ o Heere goedt/
In desen nacht ons toch behoedt/

Ad orationem vespertinam.

TE lucis ante terminum,
 Rerum creator, poscimus,
 Ut solita clementia
 Sis præsul ad custodiam.
 Procul recedant somnia,
 Et noctium phantasmata:
 Hostemque nostrum comprime,
 Ne polluantur corpora.
 Præsta Pater omnipotens,
 Per Iesum Christum Dominum,
 Qui tecum in perpetuum
 Regno, cum sancto Spiritu. Amen.

Alius.

CHriste qui lux es & dies,
 Noctis tenebras detegis,
 Lucisque lumen crederis,
 Lumen beatum prædicans.
 Precamur sancte Domine,
 Defende nos in hac nocte:

En laet ons in u rusten sacht/
 Verleent ons eenen goeden nacht.
 Laet ons geen swaren slaep bevaen/
 Noch ons den vbandt haerden aen/
 Noch 't vleesch hem gheen consent en
 gheeb'/
 Dat het vooz u niet seguldigh leeb'.
 Ons ooghen laet doch slapen vyz/
 't Hert altydt waecken laet tot dy:
 V rechter handt beschermme/Heer/
 V dienaers die u minnen seer.
 Beschermme Heere siet ons aen/
 Ons vbanden verdrückt voozt aen:
 Begeert u dienaers/Heere goet/
 Die ghy ghekost hebt met u bloedt.
 Gedencckt toch onser/Heer/te gaer/
 Die hier zyn in dit lichaem swaer:
 Ghy die des ziels beschermme zyt/
 Staet ons toch by in onsen strydt.
 Lof/ eer/ moet Godt den Vader
 zyn/
 Met zynen een'gen Soone sijn:
 Den trooster beyder Geest altydt/
 Sp eewigh lof sonder respijt. Amen.

E Y N D E.

Sit nobis in te requies,
Quietam noctem tribue.

Ne gravis somnus irruat,
Nec hostis nos surripiat:
Ne caro, illi consentiens,
Nos tibi reos statuat.

Oculi somnum capiant,
Cor ad te semper vigilet.
Dextera tua progat,
Famulos qui te diligunt.

Defensor noster aspice,
Insidiantes reprime,
Guberna tuos famulos,
Quos sanguine mercatus es.

Memento nostri Domine,
In gravi isto corpore,
Qui es defensor animarum,
Adesto nobis Domine.
Deo Patri sit gloria,
Eiusque soli Filio,
Cum Spiritu Paraclito,
Et nunc & in perpetuum. Amen.

E I N I S.